

ւածատէրերի համար նւագագոյն տոկոսով դրամ գտնել եւ Ռուսական ազնւականութեան բանկերի հարստահարութիւնից ազատել: 1882—1907 թ. Եւրոպացիները սկսել էին պեղել Բաթումի, Արդվինի շրջակայքի հանքերը եւ առատ փող էին ցրել այդ նահանգում: Ինձ դիմեցին մի քանի հանքի տէր ծաներ, որ ես Եւրոպայում նրանց հանքերը շահագործողներ գտնեմ եւ հրաւիրեցին հանքերն այցելելու: Ես գնացի Մուլխուր, տեսայ ծխախոտի անկարանները, պղնձի հանքերը. ապա բարձրացայ Արդվին, Ծրիա, Խալխալ նաւակով եւ ուսումնասիրեցի ինչպէս ձիթենու պարտէզները, նոյնպէս Խողի հանքերը: Ինձ առաջնորդում էին պալխարեցի կալւածատէր ծաները, որոնց պապերը դարերով շահագործել էին իրենց պղնձի, արծաթի, ոսկու եւ երկաթի հանքերը: Խալխալի եւ Պալխարի շուրջը 40 հանքատէրեր կան, որոնք տքնում էին ինձ համոզել իրենց հանքերի գերազանցութեան մասին, որպէս զի ես շահագործողներ կապիտալիստներ գտնեմ եւ հանքերը մշակելու ձեռնարկեմ: Աւելի քան 50—60 հաւատարմագիր տւին ինձ, լիազօրեցին որպէս զի ես անարգել Եւրոպայում բանակցեմ եւ շահագործողներին հրապուրեմ եւ գործի սկսեմ: Խալխալից ես հասայ մինչեւ Պալխար, Բահլ եւ Բալհի, գննեցի ինչպէս հանքերը, նոյնպէս եւ հնութիւնները, բեր-